

嘉慶松江府志

松江府志卷三十

學校志

昔言氏與道俱南雲閒夙承雅化聖裔遷託載留環璧孔宅廟祀

奎章炳然學校之盛甲於他郡矣我

國家崇儒重道文治覃敷析縣裁衛增廣學額

御論經籍輝煌庠序所以鈞陶而涵育之者稱極盛焉因

考元豐立學之始及元明以來次第興修之故詳著

於篇若學田若書院亦得附麗之所以仰副

作人之至意云爾志學校

松江府

府學在集仙門西

舊華亭縣學也宋初廟祀夫子而已未立學元豐七年
知縣事陳謚因邑人衛公佐衛公望獻地且任禮殿之
役始議立學工未興而謚以事去歷知縣事陶融劉鵬
始克就緒鼓鐘告始俎豆權輿衛氏之先厥功鉅矣紹
興中知縣事楊壽亨周極待其銓參政錢良臣知縣事
楊潛相繼修之舊有講堂名進德堂至是改為明倫堂
闕齋五日居仁由義陸體育才養性
嘉泰中知縣事錢閏復修端平三年知縣事楊瑾以學
舍庫陋遷於今所至元嘉禾志府治東南一百步舊志
梯雲橋北儒林坊南今坊橋均無考

○改明倫堂為明善堂并齋
為四日體仁集義志道進德
重修建講堂改作齋廬中置詠仁亭後為觀
頤堂作小學於齋後立狀元坊於學東至元八年

以前尚為宋學也

宋天禧二年重修至聖文宣王廟記略
者嘉禾郡之劇邑也當土敞水煩之地屬風頽俗雜
之餘民無堅正之心世尚剽狡之氣淫神以要其福
佞佛以逃其禍先王之教咸罔聞知廟貌之靈宜夫
委頓自錢氏納土宋通有開年歷寢深邑長相繼殊
未思政理以五常為本五常由夫子而明必有所宗
是宜崇祀率視如弁髦之敎孰能存愛樹之心介於
梵刹之隅甚矣鄭門之困今天子明神所勞禋享聿
修典冊攸存牲幣闕而況褒成教本位極真王通
邑之祠不絕如綫非所以副國章之舉廢俾鄉校之
知方少傅劉君是以有志於斯也劉君世編官族代
傳素風當其至止首謁聖師撰鑪而及於庭履屨
草而升堂陞致美且廟於職冕改為奚及於庭履屨
像墮殘侍坐跛倚徘徊瞻視俯仰咨嗟不易新規曷
學校志
二
學校上

成大壯愛求隙地得於縣東營夷壇之基委諸羅氏
度中伐之木命以梓人民忘說使之勞吏謹不愆之
素由是重門祕殿敵大廈以耽耽東序西廂巨文櫬
而翼翼後建殖庭之宇用鋪講藝之筵旅楹既閑陋
堵室之非度縮版以載見宮牆之特高儼辟容而允
穆飾華袞以鮮輝入室之賢侑侑侍坐升堂之衆濟
濟負牆如在之威神備矣致誠之典禮敦焉俎豆嘗
聞風雨伐除嗚呼大道既隱明王不興儒雅之傳沒
沒無媿矧夫皇猷允塞文命闡揚夫子之英巍煥宜
久豈獨行於萬里長幼之序有倫如能達彼四方齊
魯之風可變執古性推樂善學槐親師聖門難言誠
甘取誚互鄉與進冀許偕行直書內疚於無文不朽
幸刊於美石歲次戊午閏四月陳執古記
元祐建學記略元祐五年夏四月左宣德郎知秀
州華亭縣事劉侯視事三日調先聖廟頤新學有
左廡而闕右廡垣墉不立環視旁皇歸則發政以惠
民徐以善言風諭邑內邑內欣喜莫不奔走以承命
於是學始繕完乃屬其佐劉發爲之記謹按華亭大
縣也旁小縣皆有學獨華亭無之蓋浙西善事佛而

華亭尤甚民有義餘卒盡以施浮屠先聖廟則湫隘卑陋自吳侯為宰嘗有意遷易後三十年而陳侯謚復議建學是時邑人衛公佐獻地建殿築土治木會陳侯以事去議又罷久之浮屠氏從公佐乞所治材為佛宇公佐曰此材可朽腐不可移用公佐死浮屠氏又從其子弟求材其子弟固執如公佐之意於是邑人朱賢朱伯夔周揚許洙請於陶侯鎔陶侯白州郡監司擇日鳩工而四人實董其役邑人鮮助成其事者故積久而成於劉侯蓋若有待焉夫致治必先學校學士大夫方罔布衣必執是說及其入官則背之果何以哉蓋上之人所程督者常在獄訟簿書而考績不急於教化故也以文盛之時建學於多士之地或有其意而不能遂其議或遂其議而不能致其事或致其事而不能成功故記其實以為上下之勸使後之觀者知成功如此之難無至於廢而不治云劉發記

紹興十五年修學記略華亭於橋李為大邑其地東南濱海無崇山疊嶂坦然如砥數百里間異人間出宣和中舍法罷去重以兵革士非里選學開空舍風揭雨穿日底摧敗上丁釋奠執事以胥史素木瓠

葉何從親禮紹興壬戌仲夏蜀郡楊侯出宰是邑下車以故事謁先聖於學慨然有必葺之志屬歲大旱三農廢鋤艾者十八方撫流亡之不服越明年歲得中熟於是斥羨貲鳩長材乘農隙飭工役經始於十四年正月落成於是歲之杪春殿宇中嚴蕭屏外壯講有堂居有舍齋宿有位賓謁有次帑廩庖餽簾帶器皿纖息畢備其望繪之新時朝廷初行鄉飲禮象而易之渠渠夏屋輪奐一新粉袍雲集按籍得舊酒禮因得序賓於斯春秋補試粉袍雲集按籍得舊瞻學田三千畝歲入杭稻七百餘斛益以浮屠之租士食沛然昔唐韋景駿令於肥鄉學廬館舍皆所繕治他日過之見曹悉至迎勞以獲見為幸景駿所以列於循吏者雖其治狀偉然蓋亦與學之有助也今侯秩滿歸朝諮君飽德求兼記之乃書其事左迪功郎縣尉主管學事延平廖兼撰

紹興二十九年修學記略 華亭負海通江有魚鹽稻蟹之饒多富商大賈俗以浮侈相高不能力本業然衣冠之盛亦為江浙諸縣之最雖細家中人衣食纔足喜教子弟以讀書四方之後歷聘而來受業者

雲集其中秀民才士往往起家爲達官由是競勸於
學居官者不必以擊斷驚猛爲治可以禮義馴服也
往時長吏媿爲一切以軍旅期會爲急應辦調發銳
於集事上下如束濕馴雅之風少衰紹興己卯長興
周侯極來宰是邦下車問風俗則曰無所用斤斧也
乃尊儒生禮賢雋一以文治之先教後罰故習盡革
邑以無事顧瞻學宮垣牆圯漏弗穢不除經師倚席
不講弟子散在黨巷則喟然曰吾邑多君子而學獎
若此顧何以稱父兄之樂育廣師友之淵源卽選於
衆得才敏廉幹之士曰陸南者俾長諸生而會計焉
籍膳學之田獲隱沒之租度廩給之餘悉取充費市
材具募傭傭工正鼓傾補罅漏築夷圯易朽蠹斲荒
達堙塞塤堊聖丹腰廊廡修潔庭戶明煥邑人鄭君
復捐私帑設門戟翼以闢楮而夫子之官儀制始備
廟貌尊嚴過者肅容克昌惟老佛之教以崇飾塔廟
爲植福之本而富家巨室傾資以助其靡今吾儒不
然其官室有數其械器有等不傷民財有補於世而
爲吾徒者反不能尊其書衛其道視庠序荒涼學徒
解散爲吏者則以力不暇給爲辭而不知崇儒尚賢
爲從政之良策也今周侯尊吾道不鄙夷其民而鄭

君欣然附從真可使異端退聽儒術增氣然則周侯之於民鄰君之於子弟可謂得至宰為父兄之道矣

庚辰季冬朔左承事郎新差簽書奉

國軍節度判官廳公事許克昌撰

紹熙五年修學記略學校為育材之地近代從政

者困於簿書期會急於財貨源流至於黷宇之簡陋

眎敲弗支見漏弗補因循苟簡以延歲月雲間之學

歲在甲子鼎新於蜀郡楊公壽亨規模亦具體而微

閱時滋久風雨震凌圯漫不振鄉參錢公復加營繕

厥後新者逾壯者陋未聞以葺治為言余眎事是邦

與學長黃松謀畫去蠹易堅補罅直漏繪腹從新經

始於癸丑嘉平訖事於甲寅仲春自是堂可以講齋

可以誦室可以寢步趨有廊廡膳羞有廚傳樂之舊

觀為差勝余所以期待諸生者蓋不敢不勉置門籍

以司出入限齋宿以糾勤惰甚者慮廩給之不繼罷

濫竽之員鑄與釜之栗亦既三載於茲教養之心未

始少忘而作咸之效竊有望焉紹熙甲寅季春朔奉

議郎知秀州華亭縣主管勸農事兼兵馬都監兼鹽

場主管堰事
借排楊潛記

嘉禾三年修學記略 溧陽錢君爲縣之明年慨念
鄉校廢久不治與新堂宇修飾齋廡几席具設庖廩
整辦台試鄉邑人士充弟子員推簡貢士次補職秩
蓋不獨課試文藝學政大略可觀已華亭之學甲於
諸縣往時士風之盛不止以文章第太常魁多士蓋
至於學行淑鄉里事業在政府仗節不屈於強敵擾
攘之際爭新法而盤樂於擯黜者可數也嗚呼士有
廢於家塾長吏亦視爲迂緩不切之務豈國家所以
建學之意歟至生長鄉里進不能盡見前輩之風流
退而求益於學校未能也竊聞之問學之道而規矩
之守氣質之養而德性之充過失相規而道義相勉
長者有述而少者知敬使風化感於鄉閭而禮遜治
於田野則爲學其庶幾乎令尹能體國家之意矣凡
游於學者其亦知所勉耶君名
問字予言寄理修職郎林至記
開禧二年學宮序拜禮記略 雲間士數口願有因
陋未遑革者歲元日至相與會拜浮屠之宮開禧二
年任侯來蒞茲邑或以是告侯慨然曰齒尚於鄉倫
明於學古也吾里人講是禮於州校雖異爵者率序

以齒傲而行可乎翼日薦紳冠帶總集贊字序立大成殿下潔豆籩釋菜俾士之高年者主祀事禮竟循廡而升布席進德堂相鄉而拜少長從其次子弟則列父兄後魚貫雁行間闐雅雅侯與僚佐盛服觀禮嗣歲之二日亦如之邑子諸生退而合謀曰是其可不書尊師嚴儀敬也示化燬俗仁也貴老順長義也一舉而三善具候誠知治本歟林卿昨典番學聞范文正公出守時政用名教厚俗為先後進於長者修慶朔之拜惟謹候今小試一邑心惟范公是師諸父兄弟盍世守之以毋忘鄉魯是邦之意侯名立中當舉外臺進士今通朝籍假五品服云胡林卿記端平三年重建學記略華亭故有先聖廟慶歷後郡縣皆有學於是縣立學宮以附於廟紹興紹熙雖加繕治然既數十年矣今令會稽楊公瑾始至振乏逮饅東好摘隱一年而搏節浮蠹儲米三千石為平糶倉又一年度地鳩材遷大成殿前門後闢左右二廡而館鄉賢於夾又東甃泮水建講堂一齋廡八令佐之款調有次諸生之養有陳通為垣以宮之翼翼沈沈邃嚴清樸作來以圖請記成專予惟論學校

者未有不傷教法之壞議科舉者未有不歎辭章之
靡經生學士尙論比閭之法庠塾之教則悼王制之
不可復鳴呼侯封井牧去籍二千年矣是未可以驟
復也自鄉治廢而民散朝夕無閭塾之教歲時無庠
序之屬死徙不相知出入不相友緩急不相相而爲
民父母者沈於簿書期會救過不曉於是姦胥亂民
緣飾爲欺吏以官爲市民與吏爲讎違其常心以陷
於辟今之民豈誠不古若哉況吳中人物之盛魏晉
而後彬彬輩出虞魏之昆顧陸之裔居華亭者爲尤
著其地負海枕江平疇沃野生民之資用饒衍得以
畢力故士奮於學民興於仁代生人材以給時須乃
自近歲遠以華亭爲不易治令不具官胥橫民肆簿
書漫漶獄訟繁滋銓曹注擬往往有合也或謂合他
吁何至是哉記曰凡釋奠者必有合也或謂合他國
之先賢而祀之然則是邦有如宣公自可謂人物之
標準地靈人傑千古不磨作而興之非守令事耶唐
人詩稱敬輿爲縣人而志不書其何以爲刑善化俗
之助楊君建學之初揭堂曰明善合思孟相傳之旨
與諸生發明冠佩林立聽者皆凜上以誠感下以誠
應矣予旣嘉楊君之爲又歎敬輿鍾美是邦而人未

之知故表而出之其自今父詔師傳斯游斯息玩聖
賢之所學何事以無忘賢令尹之德安知如敬與者
不數數遇也九月壬戌資政殿學士通議大夫提舉
臨安府洞霄宮臨卽郡開國侯食邑一千五百戶實
封三百戶
魏了翁記
淳祐六年增修學記略古者王畿千里六卿之內
無非教者自二十五家之間必有塾由家而黨由黨
而術無人不學施君退翁家山陰而仕華亭其在扶
馮猶六鄉也上而道達德意下而考其德行道藝非
夫人之責而誰歟國家建都吳會逾百年矣而華亭
之爲縣公卿將相由此而出不減王畿之盛而求其
人物挺然若尹吉甫之詠歌於詩劉康公之談道於
春秋鮮有聞者由夫小學之教不行於童蒙授之時大
學之道不立於成人之後故也縣故有學卑隘不稱
端平開楊金部瑾因其地而闢之魏鶴山爲之記然
猶以地迫而陋不及增廣以待後人施君治化修明
民安其政旣庶而教不能不以鄭校魯宮爲疑君曰
吾之職也因米廩餘積而裁度補助之周墉五十丈
左右前後四面而立芟薙其蕪蕪增益其沮洳昔行

其右今左爲涂內立講堂後爲之軒兩廡對峙四齋
並立後建小學三楹工役村植悉依市直七月告成
毫髮無侵於民朋來友習相觀而善教養之道於是
乎備記其本末以詔方來端午日華文閣直學士中
大夫提舉江州太平興國宮食邑
五百戶賜紫金魚袋王遂撰并書

元世祖至元十五年置松江府而以華亭縣屬焉於是
鄉之華亭學陞爲府學而縣學移他所元貞初知府張
之翰卽魁星樓故址作貢舉堂大成殿後故有藏書閣
教授馬允中重建二俊堂於閣之西廡以陸贄配享名
三賢祠皇慶初江南諸道行御史臺檄牒講官曰明倫
齋曰進德育才守中常德二年知府申杲重修延祐中
知府汪從善始備大成之樂至正二年達魯花赤哈只

徙藏書閣三賢祠於北以拓學址

中建先聖殿旁列兩廡前闕三門重修

廣如其舊

五年知府王至和製執事者冠服十年教授

三之一

倪駿新學舍撤廟門易以石十五年知府崔思誠改觀

頤堂為養賢始範金為祭器十六年楊完者軍亂縱火

焚學舍訓導胡存道死之十九年同知顧遜重修改大學

為五經齋重建三賢祠於閣北貢士堂二十四年知府

王立中置十三經等書於閣中

元貞元年貢舉堂記略

聖上嗣登大寶之初詔天

下議行貢舉適松江郡學魁星樓基新堂成之翰因

以貢舉名夫貢舉之設始於隋盛於唐實賓興之遺

意國家崇尚儒術自戊戌一試後時相梗其議而止

今天語丁寧以人材為第一義雖鄉舉里選未易復

如明經如宏辭如詩賦論策次第舉行特反掌然則

向之私議又安得齟齬於其閒松江古華亭凡陸鄉
之英願黨之秀及鄰境之俊異有能體朝廷之意振
學校之風游於斯聚於斯使斯文不絕是知樓亡而
堂堂中之星亦未嘗不耀也正月望日朝列大夫松
江府知府兼勸

農事張之翰記

重修講堂記略 眞定申侯守松江之明年癸丑百
廢具舉而學爲先學之修而講堂爲大堂作於宋端
平間今八十年扶傾支危震陵且壓於是梁柱榱桷
之腐瓦甍戶牖之圯一皆新之高明靚深規制頓復
搢紳折旋其中藹然崇化善俗之意侯旣報政還朝
吾黨之登斯堂也撫遺蹟而重去思時相茲役者教
授嘉興沈德華亦代去乃謀於今教授薛鈇請爲之
記璫惟斯學唐陸宣公實生於此建學立師國家教
育之盛夫豈月講季試而已哉據案而誦成說曷若
疑難答問之爲益問名而校藝曷若課其功而訂正
之爲警切篤實光輝必有副作成之望者而璫不足
以發之延祐七年十月前寧國路儒學教授龔璫記
至正三年重建廟學記略 松江在唐爲華亭縣宋
初州縣未有學長吏循故事廟祀孔子而已慶歷中

立學之詔下而華亭久莫克應元祐間學乃相備自是繕葺之功弗輟端平末又稍治而大之逮皇朝奄有南土凡五萬戶之縣悉置爲州惟華亭戶數增至二十三萬特建散府曰松江而仍以華亭爲縣隸焉守貳之儀章命秩與夫居處之崇擬於大郡學雖設教授員而禮殿講堂齋廬門廡率皆屬邑之舊因陋就簡閱六十年無所改作領郡寄者以牒訴之繁租賦之厚關決趣辦日不暇給未遑庠序之事也今達魯花赤哈只亞中公下車伊始款謁學宮觀其位置編迫規模庫下慨然而歎以爲分符出守視古諸侯承流宣化莫先學政類宮之制闕而弗講非所以嚴國典重教基也查撤而新之遂發已帑以倡民感而相謂曰向吾罷於役者必事購請至後獲紓今公紆吾力不覲吾酬茲又大建學宮吾視竭力以事購寧若樂吾助而且得嘉名哉乃爭持羨資以授司計者前後共七萬五千緡有奇教授林聖予亦輟學廩來助於是材賢既具工徒旣集乃徙藏書閣陸氏三賢祠於此以拓其故址中建先聖殿旁列兩廡前闢三門崇高修廣如其舊三之一亞中公能以義起禮汲汲焉舍舊圖新而務求合乎諸侯類宮之制可謂

有志於古矣是邦之望如顧陸諸賢代不乏人
士之游息於斯者苟無忘公之德與公所以建學之意而
以古道自期將見學修於家行孚於鄉蔚為三代人
物奚止如昔之望而已哉癸未秋八月奉政大夫前
浙江等處儒學

提舉黃潛記

至正十年修起堂齋記略
松江舊華亭縣國朝陞
府而學俱焉學制殊隤至正癸未前監府哈只侯改
觀而先聖先師廟庭而堂宇未遑也學之廩歲收幾
二千石春秋朔望祠祀師生月給暨泛應之費歲支
不越強半廿餘年來職以遺來患學校遂大廢至正己
丑吳興倪君駿來職是教悼舊弊而新是圖適監府
咨禮麻侯太守王克敏侯皆被守令邇來掌郡治同
知拜住間侯由監學釋褐來佐郡治咸知教為政本
慨然協贊以興學為己任倪知事幾之克成也節浮
費蓄所贏是冬得米若干石錢若干緡越明年自郡
侯為修起計侯相與輟俸來助大撤舊觀而廓之及
秋堂成高明宏遠繼而門庭應齋廬咸與維新舊存若
觀頤堂者無幾餘已侯方燕客而落之於是同舍之

士相慶而詣居仁曰願紀其實居仁謂曰治亂之幾繫乎學學校之幾存乎人自郡縣有學循吏之能興修者文翁而下若鮑德趙恂衛鳳景恭之爲內史常哀之爲觀察李栖筠倪若水之爲刺史教官能修其職者唐趙德宋胡安定一二而已豈易得哉今吾郡侯戚被重選有古循吏風教官自湖學來得安定遺訓以賢師儒過郡循吏宜吾鄉校之興勃然也鸞旂展止小大畢從載色載笑以在泮爲心者郡侯之所以倡其教也樂育菁莪尊賢耆艾詩書禮樂以作人爲心者師儒之所以任其教也異時閭巷弦歌孩提俎豆化貪暴爲廉讓之風易澆僞爲忠厚之俗當是時吾黨之士又將何如以爲慶耶因爲之記郡老生陸居仁記

至正二十一年重修廟學記略
松江禹貢三江之一引湖注海環絡數百里府治在江之東南南學在府治之東南比歲兵興殘燬無幾貳守昭陽顧侯遜旣視事慨然躬其任而判官海陵蔣君仁傑實佐之時則通川高君志道以還爲教授條白於府是學是宜銳意籌度殫智繕營乃重修大成殿藏書閣內則東

西二廡明倫養賢二堂外則重門及教授廳事葺
漏易朽撓與漫剝飾而新之中唐階域鄧以甃石牆
亦如之增造廩庖作釋奠禮器雅樂徵樂師以教生
徒改大小學二齋置五經齋聘專經之師五人以分
授之廣弟子員至百五十肄業者三十八人皆月廩
有差既又建貢士堂於學宮之南顏以賓興西湖書
院廢爲城基舊有宣聖燕居像無所歸則作燕居書
堂於學宮之北以奉之二俊堂者爲陸氏機雲作也
堂廢已久記石尙存則作二俊堂於書閣之北以存
其舊凡祀教器物之品式無不修具遐邇瞻趨士民
稱歎先是學田歲入米三千一百五十七石是年受
姚士獻田入米一千五百二十二石歲計米爲石者四
二百有九懲革宿弊簿責有司科實其數以故有獻
有爲不日而成非貳守之明達果敏學識有素詎能
興復若是邪今四郊多壘角逐功利貳守不遑他務
而獨沒汲於是漢文翁多壘角逐功利貳守不遑他
宋安定胡先生立師道於湖學而人材輩出矧松江
與湖爲鄰流風餘韻猶有存者師弟子員相觀而善
將見漸水之西漸復古道自松江始予老矣他日執

經升堂尚能為諸君子言之浙江等

處行中書省左丞番陽周伯琦記

至正二十五年藏書閣記略荒陬之地書有不能

盡致而窺人之子書有不能盡讀一旦而措諸事業

有弗病且餒乎松江儒學僅全於焚蕩之餘所儲經

史子集散佚無存者至正二十三年冬西蜀王公立

中來守是邦知事海陵徐君克初贊其理汲汲以興

學校為首務時則會稽馮君恕錢唐陶君植相繼掌

教延五經師迪弟子員月試季考士習一新復以學

廩若干石購求十三經注疏等書於吳中巨姓家積

收度列書閣之書粗備戒司籍慎於所守有欲假者

許就觀焉以其得之不易也命闕列敘總目若干卷

志歲月於石寶之於後非特一時而已其能繼而益

之以至萬卷實有望於來者固不止於是也構李貝

撰

明洪武二年詔天下興學校宣德中巡撫大理寺胡慤

即教授廳故址作崇德堂知府黃子威作兩廡屬於講

堂正統五年推官楊政改建藏書閣於養賢堂後更名

曰尊經閣建神庫於閣之舊址以藏祭器是歲提學御

史彭勛改五經齋爲四

志道擴德
依仁游藝

知府趙豫購經史貯

閣中六年增置號舍於閣之陰及學之西偏七年新戟

門訓導江漢通判郭瑾作詠歸亭於玉帶河環以石闌

梯雲橫跨高明眺望八景賡詩視宋元爲鉅麗矣

亭與河橋

及尊經閣先賢祠紫薇巖牛
月池一鑑軒爲學宮八景

成化十七年知府王衡創

游息所於樓之東宏治元年颶風壞學舍知府劉璟重

修正德五年水洊至學舍盡壞知府陳威銳意修舉先

修四齋建登雲橋直

文廟門建樂育坊於其南巖陡

梯雲橋於學門之東復爲橋於廟門之西使行者不雜
于坊內作外號作桂香桃浪二亭功未訖而規模宏遠
六年知府喻時竟其事改樂育坊爲仰高坊嘉靖九年
知府熊宇建天藻亭藏六箴碑詔增啓聖祠改大成殿
爲先師廟各縣學同萬歷七年知府閻邦寧修習釋奠禮
樂二十四年知府詹思虞重修三十四年提學御史楊
廷筠濬學池推官毛一鷺重建天藻亭天啓六年知府
仇時古重開玉帶河作斗峯於學之東南隅旁有井曰
斗泉崇禎二年知府方岳貢重修

宣德元年重建崇德堂記略宣德改元詔在廷重
臣分巡天下輯寧遠通江南直隸諸府密邇京畿政

化之所當先上嘗注意焉故大理寺卿江右胡公承
 命而來夏五月駐節於江首舉學校之政至則謁
 先師廟集諸生於明倫堂講誦畢顧瞻左右廊宇圯
 毀前堂惟存遺址因訪諸師生郡博鄭興宗考舊典
 儀請復其制公允其請屬郡博董其役於是相率勸
 免鳩材庀工作堂三間左右翼以夾室高爽軒豁視
 舊尤加越三月南昌黃公子威來知府事復加完葺
 次作東西步廊為間各十以趨堂廡輒與一新氣象
 宏開莫不聳動瞻仰堂素未有名郡博復請於公公
 曰學校育賢材之地賢才所務莫先於德德行因題曰
 崇德蓋欲諸士知所進修而崇廣德業也造就後學
 之意豈小補哉翰林院編修文林郎郡人楊瑛記
 正統五年重建尊經閣記略 松江府學舊有藏書
 閣承樂庚寅傾覆於颶風郡守趙侯豫節推楊侯政
 重建而新之既成顏曰尊經閣具書其始末來請記
 初趙侯以華亭縣學廟廡或久傾側斯閣額廢乃謀
 營修復慮其費浩繁首捐己俸又勸富民出資為助
 事將成有沮之者楊侯曰此不可已白於巡撫侍郎
 巡按鄧史民犯輕罪或情可矜者從寬典以錢帛市
 材木瓦甃及工匠之費并益以前之所助者則廟閣

之修工可立就僉曰可踰年而提調學校監察御史
彭公易至郡嘉楊侯之集理亦為之規畫既新縣學
廟廡乃鼎創斯閣高七丈有奇深六丈闊與深等壯
觀輝麗登陟而四望湖山之繚繞原野之曠衍海天
之澄明風景之勝舉在目前而楊侯不以遊觀為樂
也乃取聖朝所頒經籍及歷代子史百氏之書置其
上又購書之未備者以益之簡帙充牣故以尊經名
閣自賦詩以紀其成焉其經始在正統二年秋四年
冬興工而成為五年春之三月也國家詔宣文教崇
用儒雅屢下興學之詔又置憲官分道專典學政惟
欲才之有成以為世用松江為畿內大郡學宮可使
頽敝乎趙侯揚侯乃協心致力而成之能祇奉聖意
矣然楊侯之聚書於是者何哉夫經以載道也子史
集傳羽翼斯道者也士讀經明道有得於已斯可以
措之於用矧松江素稱多賢今之來游於學者必多
秀偉之士欲其明經博學出而施之者此楊侯之意
安得不以記為重哉趙侯字定素北京人楊侯字惟
敬吉水人禮部左侍郎兼翰林院侍讀學士國史總
裁經筵官臨

川王英記

正德九年重修府學記
 正德己巳江南大水而松
 特甚越明年庚午水再至浸公私塗舍凡旬有五日
 而始退學宮壞特甚又明年辛未夏內江喻侯時以
 才御史來守松當是時府庫無羨財侯乃撙節浮費
 殫竭心計至冬而後始事令於教授彭鍊卽日鳩材
 募工因以役民之不能食者咸踴躍恐後會樂安詹
 君崇以進士來推府事適被符攝令華亭以身任之
 百費有加事乃告集落成於甲戌歲之秋凡歷四載
 自大成殿明倫堂殿之東西廡堂之左右四齋曾經
 閣魁星樓崇德養賢堂鄉賢祠廨署射圃棧星門成
 德達材坊登雲橋皆還於舊維新有作者則仰高之
 坊冠於文廟云喻侯詹君同心一德以相後先贊之
 成者同知侯君自明孫君璽通判聶君璣錢
 君賈參之者華亭縣丞趙才也史官陸深撰
 嘉靖九年重修府學記
 嘉靖庚寅冬松郡重修學
 官成初郡守善化熊侯宇奉部檄建亭於學之南以
 貯今上所著敬一箴承恩嘗過而瞻仰美其輪奐而
 學宮尚多頽缺未幾侯大議興作凡瓦甍木石之儲
 波委雲屬使縣丞吳徹董其事歎曰侯其知務乎然
 昔在己卯亦嘗有事於修學承恩責執筆記其役會

未幾已頽缺者此斯則任事者之責也繼聞郡博南城程君懋躬自勤瘁務無苟且從事今茲之役庶乎其可久矣蓋八閩月而工始訖若文廟若兩廡若戟門若明倫崇德養賢堂若咏歸亭若廣虛若尊經閣魁星樓莫不煥然一新至鄉賢名宦祠昔皆位制弗稱亦相地改作階級崇峻闢周植丹堊炳明於是程君指承恩告曰是役也我侯作人之功不可以不記承恩復於程君曰今聖上懋德建中緝熙聖學敬一之箴發揮精詳得千古聖賢相傳心中緝熙聖學敬於人才之不朽若由不知敬學之本因廷臣之請命諸郡國悉以前箴刻置學宮俾爲士者皆知爲聖賢之學而不徒事無益之空言振作天下何其盛也諸士子亦嘗誦聖訓而有感乎則是役也所以本國家建學之意下推賢侯作興之心以爲諸士告宜莫有大於此者故敢悉次其說願相策勵焉左春坊左中允承德郎孫承恩撰萬歷二十四年重修府學記略先是聖廟左右有應啟聖有宮尊經有閣崇德明倫有堂東西有齋省牲有所義田有倉其圯者撤而更新之其角門之隄西北隅者塞之其敬一亭建於養賢堂之廢址而

樹御製碑以實之其敘授之公署及據德齋與市諸
 維處者內創於魁星樓之廢址徙而遠之從博士諸
 縫掖請也其後又有聽堪輿家仍舊之說則還教授
 之公署如故西北隅之角門如故魁星樓之遺址如
 故亦從博士諸縫掖請也夫諸生旋請而旋聽之旋
 又復請而更徙之詹侯之苦心率先多士著有勞績
 是宜記侯名思虞庚辰進士常山人維時著教授事
 張令聞訓導郭維翰黃德孚陳桂芳徐應斗督工則
 署丞顧正心也南京兵
 部右侍郎蔡汝賢記
 萬歷三十五年重建天藻亭記 郡學向以水脈際
 旋由大海紆循龍浦入繞宮牆照艮合流文筆之沙
 劃然左界而瞰池有亭亭曰天藻蓋以奉世朝宸翰
 與魁樓前後輝映諸士濯磨振奮於中尚矣歲久圯
 廢沙亦湮鬱丙午冬學使楊公蒞茲學宮首事濬導
 幸司理毛公視篆荷鋪如雲泮渠揚波得如其舊然
 亭構費夥計亡所出公捐餼庀材鳩衆經始未幾亭
 且幸新士躍躍色起秋試雋者得七人為二十年來
 未有之豹變詎非盛
 邁哉史官錢龍錫記

崇禎二年重修學記略 古之郡守稱民師帥師帥之義標則以觀民詩曰視民不佻言則傲也不則不傲民何觀焉是故庠序之教聖王必謹之松澤國也文獻甲天下方侯以清郎出守下車之日俯瞻閭俗喟然歎曰吾知所以治矣人亦有言雖有夔黃無關輔蔽其先在教士哉於是羣五庠之士而省試之一日坐圖橋而講藝法然於棖桷几筵之閒於是進學官子弟而謀之節臨公私佐以秩俸庀材鳩工刻成期日而費門之傾者起堂廡之敝者葺棟梁之朽者易垣牆之缺者補以八月十九日工興其竣事則十一月二月初五日勦聖兼施嚴嚴翼翼數十餘年之頌廢一朝頓還舊觀託事於修俸功於創官不告費役不告勞神受而士歎侯以愷悌之衷贈冰玉之操繳政不可殫述大要還民禮讓勸學興教以爲民觀侯益深於治理之本者其行自足千古也二三子廣弦誦之區而被文明之象何以頌侯之明德哉辰不敏幸忝末屬適觀厥成請拜手記之府學訓導胡應辰記

國家重道崇儒觀文成化順治三年

詔所在有司以時修葺廟學六年明倫堂圯撤宦宅材重建九年

御製臥碑文頒勒各學十一年大風雨明倫堂又圯知府李正華重修并建東西廂十六年教授周建鼎重修先師廟康熙二年知府郭廷弼重修戟門二十三年

御書萬世師表扁額頒行各學是時啓聖祠傾圯久未興復木主向置明倫堂東堂圯神無所依知府魯超率教授陸在新及諸生錢永靖郁錫等捐募鳩工踰年告成練日迎神入祠郡邑大夫行釋菜禮三十八年

詔製各學校樂器三十九年

御製至聖先師贊暨四賢贊頒學勒石四十一年

御製訓飭士子文頒勒各學四十二年

上以西征噶爾丹凱還

告成太學頒平定朔漠碑勒石學宮五十一年

特諭升朱子於十哲之次五十三年

詔以宋儒范仲淹從祀雍正元年首

命追封孔子五代王爵卽啓聖祠改爲崇聖祠

命各省學宮建忠義孝弟祠仍建節孝祠於學宮之外二

年

年增定從祀先賢先儒復林放蘧瑗秦冉顏何鄭康成范

甯增縣賈牧子皮樂正子公都子萬章公孫丑諸葛亮
尹焞魏了翁黃幹陳淳何基王柏趙復金履祥許謙陳
澔羅欽順蔡清陸隴其增張迪入崇聖祠增仲弓冉伯
牛子張有若四家博士三年

上臨雍講學

命州縣人文盛處廣入學額數有差是年
頒文廟禮樂圖籍四年

上御書生民未有扁額頒懸各學五年

上諭直省內外逢先師誕辰齋戒一日

命諱孔子名加卽爲邱七年以西征羅卜藏丹津凱還

告成太學頒平定青海碑勒石學宮十年知府吳節民修
大成殿乾隆元年增先儒吳澄從祀三年

特命升先賢有若爲十二哲

御書與天地參扁額頒懸各學五年知府劉堯裔教授汪
衡重修大成殿二十三年

頒平定準噶爾丹碑文一道二十五年

頒平定回部碑文一道三十一年知府徐名標教授汪文
在重修殿宇四十四年

頒平定金川

告成太學碑文一道勒石學宮又

頒釐正文體

上諭一道懸挂明倫堂五十二年知府楊壽楠教授尹壽重修殿廡明倫堂崇聖祠尊經閣起建萬仞宮牆

今上嘉慶五年

御書聖集大成扁額頒懸各學六年知府趙宜喜教授陸梓重建文昌祠於學後遵新定祀典尊爲文帝廟十四年知府鄭濟燾教授陸梓重修大成殿及東西廡崇聖祠竝製樂器十九年重修崇德堂及尊經閣

國朝康熙元年重修先師廟碑記自生民以來以匹夫而爲帝王師則惟孔子之道最尊剛定贊修立萬世之人極則惟孔子之功最鉅郡國立廟二仲釋奠禮樂同於王者自天子以至百執事北面虔恭則惟

孔廟之典禮最肅而最備弱自前北憑就雲間頌惟
文獻名邦膠庠鼓鐘當有十倍他郡者乃雲間一再
兵燹由郡治循儒林坊而南問所謂尊經閣養賢堂
及桂香桃浪詠歸諸亭址慢漣無存及謁先師則
見廟貌整肅棟宇一新蓋教授周君建鼎之所重葺
也惟兩廡櫺星門未竟厥功若留以待者彌遂捐
俸助成焉計後先費精鏐一千有奇諸廳縣襄助十
之四周君捐貲陸續繕完者半之其他則出弼俸錢
囊粟及諸生助廩成之者也工成諸生請弼言勒之
貞珉弼矍然曰可哉宋初華亭之先聖廟介在荒

本朝

車書一統屢敕有司葺學校奏報者得優敘紀錄乃

剝尚未名學也由元迄明教典益備

松郡人文炳蔚之地煌煌上庠說經秉鐸者代不乏
人而聖廟頽圯雖先有議及者而規制未滿甚哉
泮壁之成惟其時亦惟其人也周君以南宮高第退
處首蒞典學三年獎才恤貧清操苦節復能不避勞
勩襄余以觀厥成峯湖之才行與雲

霞蒸蔚矣松江府知府郭廷弼記

聖道之高美譬諸宮牆

松江府學修建大成殿記
宗廟入其門升其堂非七十子莫與焉然今之士果

有志於聖人不待適魯習禮其家然後不能去也凡郡國皆可景仰而至之漢以來州縣學多任守土有司興廢唐時廟祀孔子獨州縣故多廟碑宋州縣皆立學故多學記凡有學必有廟名之曰大成殿云松未爲郡日唐則西北而之蘇州五代宋則西南而之秀州歲升州學鼓篋舍萊遼矣元始建置爲府因縣學爲府學居國之陽象取諸離士子州處無越境勞而介乎三吳雄郡之間已四百六十年於此明嘉靖時易像爲主以別於老釋最合乎古邦彥之繇是出者接武於前代至

皇朝

尤盛而殿之繕修亦屢矣日月既深風雨不除梁壤垣毀遷延及於邇歲科目寥闕幾不得與他郡比乾隆五年春郡守渭南劉侯堯裔始至謁廟曰是不可緩宴令容城胡侯具體自河上歸遂與華亭令孝感陳君隆誠協謀出貲遯端慙之士八人分告於紳保無不響應教授廬州江君衡勤董其役六月經始九月落成翼翼枚枚改舊觀儼新構萃八縣而式九學美富固其所也聖人所南面而臨非必茅茨土階也賢者所左右而侍非必陋巷環堵也廟貌旣以新禮殿旣以崇豈但壯觀瞻昭法峻發文章科名之兆哉

入門升堂羹牆如見子臣弟友之思慕禮樂中和之
觀感油然而淳然人人自期異日可陪從祀之列則今
日之修舉為不負之雋曩裁郡學久年逾養學見邦
大夫崇儒興教國人趨義樂人心之同驗世道之昌
故謹記歲月於右而備書其姓氏
左春坊左中允郡人黃之雋記

廟制

大成殿奉祀

至聖先師孔子正位南向

東西配位

復聖顏子述聖子思子竝西向

宗聖曾子亞聖孟子竝東向

東西哲位

先賢閔子損冉子雍端木子賜仲子由卜子商有子
若並西向

先賢冉子耕宰子予冉子求言子偃顏孫子師朱子
竊並東向

按有子舊在東廡七位乾隆七年從徐元夢請升哲
位乃移朱子於西

東廡先賢蘧瑗澹臺滅明原憲南宮适商瞿漆雕開
司馬耕梁鱣冉孺伯虔冉季漆雕徒父漆雕哆公西
赤任不齊公良孺公肩定鄒單罕父黑榮旂左人郢
鄭國原亢廉潔叔仲會公西輿如邾與陳亢琴張步
叔乘秦非顏噲顏何縣亶樂正克萬章周敦頤程顥

邵雍先儒公羊高伏勝董仲舒后蒼杜子春諸葛亮
王通范仲淹歐陽修楊時羅從彥李綱呂祖謙蔡沈
陳淳魏了翁王柏趙復許謙吳澄胡居仁王守仁羅
欽順位西向

西廡先賢林放宓不齊公冶長公析哀高柴樊須商
澤巫馬施顏辛曹卣公孫龍秦商顏高壤駟赤石作
蜀公夏首后處奚容蒧顏祖句井疆秦祖縣成公祖
句茲燕伋樂欬狄黑孔忠公西藏顏之僕施之常申
楨左邱明秦冉牧皮公都子公孫丑張載程頤先儒
穀梁赤高堂生孔安國毛萇鄭康成范甯韓愈胡瑗

司馬光尹焞胡安國張栻陸九淵黃幹真德秀何基
陳澔金履祥許衡薛瑄陳獻章蔡清陸隴其位東向
按兩廡位次乾隆九年禮部頒行遵照太學成式十
八年禮部准會典館奏准兩廡先儒位次微有舛錯
謹依史傳
按年序次

正殿五楹前爲月臺東西兩廡中爲丹墀前爲大成
門又前爲靈星門作橋誤又前爲泮池爲萬仞宮牆興

賢坊在左育才坊在右 殿後爲 崇聖祠明倫堂

在殿之東其前爲崇德堂又前爲儀門

崇聖祠

舊名啓聖祠雍正元年敕改名

奉祀

先聖五代

肇聖王木金父位中

裕聖王祈父位左

詒聖王防叔位右

昌聖王伯夏位左次

啓聖王叔梁紇位右次皆南向

東西配位

先賢顏氏無繇孔氏鯉位西向

先賢曾氏點孟孫氏激公宜位東向

東西序位

先儒周輔成程珦蔡元定位西向

先儒張迪朱松位東向

文昌祠

見壇廟

魁星樓 宋咸淳中知華亭縣事趙與伉建於梯雲橋南後改爲貢舉堂成化十七年知府王衡移尊經閣後明季燬

國朝康熙二年知府郭廷弼教授周建鼎復作亭於斗峯尊經閣 在學之東南歲時祀魁星於此亦謂之魁星樓嘉慶十九年重修

閱世編云吾郡府學明倫堂後舊有尊經閣予猶及見崇禎之季閣雖稍殘而巍然雄峙也後遭兵燹竟致圯毀明倫堂亦廢順治初廖公文元守松重建明倫堂不三載而毀於颶風順治十二年乙未太守李

茂先正華以聽訟罰庠生唐廷球寶言鼎建共費八百餘金規制不甚宏麗至今因之堂額舊爲朱徵國文公手書筆法端凝雄壯不知何往文廟之紅牆街西爲志道據德依仁游藝四齋皆訓導公廨也今亦廢

胡耿二先生祠 在啓聖祠左祀元松江府學訓導

胡存道明府學訓導耿立吾其南當明倫堂後卽紫微胡先生墓殘碣在焉

元至正二十八年胡先生畫像記略至正十六年

苗軍至松江大發公私藏趨郡學無所得將火之時

訓導胡君師善曰吾所以不去者爲學守也當與俱

存亡遂逆而叱曰若寧殺吾學不可毀也兵怒刃之

死二十有三年太守晉寧王侯雍命繪像東廡春秋

祠而報之及蜀王侯立中至用教授馮恕言請謚於

行省初師善受命部使者來分教裁閱月而兵起二

月十有八日夜外內舉火烈焰亘天師善亟命羣僕

閉門防寇徙薪辟火且偪西北垣乃率同舍生李

復賈兼善吳克敏宋起潛升屋大呼注水沃之又令

民撤草坊許新其居既而天乃反風故東西佛老之宮咸燬此獨歸然如靈光實師善力也後竟死方其變起倉卒凡在官者莫不駭散奔走師善會稽布衣耳不食其祿不任其事乃能圖完夫子廟至殺身不悔嗚呼死非難死得其所爲難師善無愧於聖門七十子矣後三年太守王侯知事吳陵徐君克初謀立石表其節以風厲爲士者俾闕敘之貝闕記

三賢祠 宋慶元五年知華亭縣事徐民瞻作二俊

堂祀晉陸機陸雲元至元十六年教授馬允中重建藏書閣兩廡以唐陸贄配享改爲三賢祠至正二年達魯花赤哈只以拓學址又徙於北二十三年同知顧逖又建於藏書閣北明正統七年知府趙豫遷於學之右及漢陸康吳陸績宋楊瑾元王至和胡存道

竝祀改爲尊賢祠後益以明戶部尙書夏原吉祭酒
前教授胡儼成化壬辰益祀南京禮部尙書前訓導
魏驥教授孫鼎 國初祠廢順治十六年教授周建
鼎復祀於明倫堂西室今西室竝無藏主不知移自
何年何處二俊尊賢等名無知之者矣

宋慶元五年二俊堂記略 二俊堂者陸士衡士龍
祠也按圖記縣之西二十五里有華亭谷谷旁之山
曰崑山陸氏自昭侯以來世居於此墓城在焉昭侯
衡大父也衡詩所謂彷彿谷水陽婉變崑山陰者此
也余嘗登其山物色故迹湮沒不可得獨有征北將
軍緯墓焉衡之死九百餘年矣田夫野牧皆能識其
名氏道其故實山之北有幾雲兩山亦由兄弟得名
豈鄉人愛之深思之至乎抑光緯之氣誠有不可埋
沒者知縣事信安徐君民瞻買園子監書以惠鄉學
爲堂於學之東懸遷圖像俎豆於其中因張茂先之

言以名其堂且屬至書之至竊惟古之教學者則祭
之替宗儀表一鄉者則祭之祖尊道德詔後求自昔
所不廢也衡兄弟才名如此所謂尊賢之義其可已
乎然則君之爲是堂也其風美具焉君純日薦饗於
堂下邦人慰且喜也於是爲之歌詩以相其祠事云
采采兮紫葍兮蘋藻兮薦虎兮誠遲君不來兮吾心靡寧
雲幽兮新破服兮孔翠鏘鳴兮水有鮪鯨羌何爲兮舍
故而就新破服兮孔翠鏘鳴兮水有鮪鯨羌何爲兮舍
駕兮山嶽恩多兮報重龍極兮害深一陰兮一陽孰
參兮化施孰質之賦兮孰命之爲世清兮才良蹇余
步兮蹉跎誦懷土與九愍兮而獨悲此故鄉五茸兮
雲寒三泖兮水寬鶴唳兮莫聞鷗鷺兮飛飛來愁兮
無盡往悔兮不可追登君之堂兮惟君之思寄理修
職耶新差充淮南西路安撫司幹辦公事林至記
元元貞二年重建二俊堂記略 松江府學舊有二
俊堂隸學之東廡祓書林公爲之記宋端平丙申學
遷而南堂湮弗治至元癸巳郡博士河陽馬允中職
教此邦興滯補獎百廢具舉每以陸祠未復爲闕典
謀之鄉先輩越二載餘始得之爰庀役程材構祠於
藏書閣之西廡衡位其中龍序其右且以宣公敬輿

配其左逾四百七十餘年文章事業前輝後映神爽如生是祠也昔端平之丙申既遷而廢今元貞之丙申復創而興名賢五百年間出殆有數焉郡博士之有功于斯堂也顧不偉歟前進士徐有極記至正二十三年重建三賢祠記略 瓊嘗求天下士若晉陸士衡及士龍此以文章名一世者乎唐陸宣公此以事業著萬世者乎初士衡兄弟之歸晉也張華曰伐吳之役利獲二俊史稱其遠超枚馬高躡王劉宣公之佐唐也嘗曰上不負天子下不負所學先儒稱其智如子房而文則過辯如賈誼而術不疏華亭舊有二俊祠至正二十三年松江通守顧侯選教授馮恕拓地大成殿北構堂而遷之并奉宣公焉明年春瓊承分教之命始獲拜其像而瓊嘉興人也數往來華亭幼讀三君之書未嘗不服其雄辭大節恨不得起九原而欣然執御焉乃贊之曰猗歟盛哉一門二俊龍翔鳳鸞天運既移國鄧臣遷才高匪福道否終愆蘭悲塗翦玉恥璞全謬謬宣公華峯一柱衆邪而傾孤立無與炳炳萬言以藥人主功濟時屯謗由直賈有烈其芳有煜其光近宗遠法豈惟一鄉九山峩峩與岳相望匪山之高伊人之良構李貝瓊記

先賢祠 宋慶元四年知華亭縣事徐民瞻作祠祀

宋參政錢良臣慶今

宋慶元四年建錢公祠記 慶元三年夏四月庚午知華亭縣徐民瞻始至詣學謁廟再拜庭下既乃巡廡展誠於從祀者西廡有祠焉勝曰參政錢公之祠載瞻載仰致敬而退越三日更胡修故事帥諸生行奠饔之禮已而升堂諸生以序次第見進之坐語環視內外潭潭整整棟宇翼翼階廊舒袞窻几明潔講肆有位職掌有室庖廩有次不侈不陋顧坐者曰美哉與學之久而新也問其年則曰卜築於斯土者元祐末歲也後八十有八年繕葺而復以至於斯者淳熙已亥冬也成已亥之事者乃今祠於西廡參政錢公也公諱良臣字友魏生有嘉聞刻志於學十七試藝補入學十九陞太學又十年登進士第而歸謁謝先聖先師凡昔從游同舍士攝衣迎拜歡喜道舊顧盼殿堂齋舍非復前日公蹙然不寧曰去此甫十有二年時異事廢何其遽邪他日不宦遊凡可致力者宜勉歷二十五年公參大政猶念念不置轉運司有

材木之在華亭者去學不里許公聞之喜曰吾事集
矣一日轉運使以職事造府公以語之卽日悉以木
株四千有奇畀學時縣令徐君安國藉以經營逾年
而克成殿堂廊廡齋室廩庫瓦椽就傾檐楹將敗者
一切起而新之塗暨丹雘輝煥明蕩不替於昔由是
鄉老學士大夫喜學之復興而感公之不忘本也翁
然相勸或遺其子弟肄業磨礱浸淫爭騰踰於學皆
公之賜也鄉人請於令祠於學宮屬受代未暇楊君
榜年實繼領縣事遂堂而祠焉今十有九年矣未有
記其事以詔後者謹敘其所聞庶知公之不忘於學
而士大夫之所以不忘公云奉議郎知嘉興府
華亭縣主管勸農公事兼兵馬都監徐民瞻記

府學名宦祠 祀元知府僕散翰文知府王至和訓

導胡存道明戶部尙書夏原吉督學御史孫鼎同知
王源巡撫工部侍郎周忱訓導魏驥知府趙豫巡撫
兵部尙書王恕巡撫右副都御史彭韶提學御史戴

珊知府樊瑩巡撫右副都御史崔恭提學御史婁謙
提學御史陳選教授王度教授程燦教授譚璋知府
何鼇提學章袞知府黃潤知府何繼之通判吳純教
授許鑰推官姚唐蘇松道副使任環知府方廉巡撫
僉都御史海瑞巡撫僉都御史林潤知府袁貞吉推
官李楠知府許維新同知范永年巡撫僉都御史周
啓元

國朝分守蘇松常道方國棟巡撫江南禮部尙書湯斌總
督兩江兵部尙書范承勳總督兩江兵部右侍郎傅
臘塔巡撫江南吏部尙書宋犖江南提督王之鼎江

南提督梁化鳳巡撫江南禮部尙書張伯行提學道
張元臣提學道邵嗣堯提督學政工部侍郎余正健
提督學政刑部侍郎張泰交提督學政刑部侍郎張
榕端總督河道兵部侍郎陳鵬年巡撫兵部侍郎徐
士林提督學政許汝霖總督諡清端于成龍總督兼
理鹽政李衛巡撫陳大受布政丁思孔知府周中鉉

提標中軍參將張光先

五十
七人

右據郡邑志增纂舊載楊瑾章允儒許以明三人應
移奉華婁學官敬爲釐正專祀典且覈實也

鄉賢祠

祀漢陸康吳陸績晉陸機陸雲陳顧野王

宋衛涇明任勉葉中行陳詢李伯璵錢溥張瑤夏寅

宋瑛張悅張鑒唐珣張弼曹時中錢福張祥孫衍顧
清陸深吳稷沈霽曹閔郁山高博許璘周佩何震張
昕張宏宜徐黼李希顏李儒楊允繩包節包孝胡岳
沈愷孫承恩徐階潘恩高士錢師周趙灼周思兼馮
恩李昭祥唐自化莫如忠徐陟陸應寅陸樹聲陸樹
德徐璠蔡汝賢莫如爵馮行可林景暘吳炯王圻蔡
懋昭徐三重王俞楊道東董漢儒俞汝爲方應選徐
元春唐文獻錢大復陸彥植章憲文張以誠高承祚
楊繼禮沈時來顧正心張大綸李益亨王克讓王孫
熙王緯徐光啓沈匡濟張履端董其昌夏嘉遇王焯

莊允中王焯張爾嘉莫天洪杜若芳張萬幾謝自孫
沈可紹黃廷鵠沈昂王廷柏張美何萬化張執端
國朝王典朱雲昇唐允振陸從龍張安茂

御碑亭 在明倫堂之北敬奉

聖祖仁皇帝御書唐人李白詩一首已恭錄前

宸翰中

教授署

在學宮西
仙鶴觀

康熙初年教授周建鼎始闢署

於學西偏作棲鳳堂及看亭

看亭記 余軒之東偏脩然臨高濤陰扶疏暇豫之
時吟嘯其上意甚樂也適甬上同門史子及超過余
問曰先生旣以擁竹名軒矣亭之以看名也豈猶有
子猷看竹之思乎余曰唯唯否否昔衛武公好學惟

日孜孜忘其耄耋撫淇濱之植有感於其中切磋琢
磨三致意焉夫君子之爲學也求其積也求其勝也
積之內者既久物自不能勝焉盈天壤之間莫之或
遷吾中之所存固已優矣且夫得失輕重之形日接
於目前感而不能自化者有以累之也我與之爲適
而不與之俱溺雖至渺之物皆足以怡我之情而紛
華綺麗之臨不能放其中之所固有子以爲是善善
者吾獨鍾愛之乎虛中以處勁直自持居閑逸之地
不與羣卉競而不彫之節君子宜焉吾何獨不然邪
苟曠而言之則凡亭之外山川之流峙雲煙之聚散
草木禽魚之變移安往而不可以寄吾之遙矚也者
卽亭之中載籍纍纍其間上下古今賢聖之菁英斐
然燦列湖覽所及欣然與娛其足以益身心研理道
爲當世之所利賴士子之與娛其所矜式者何限寧
焉營神方畝之畔局步數竿之下等於玩物喪志之
爲乎史子瞿然曰大矣哉看之義乎吾嘗受業於蓼
匪張夫子恒以進德廣業爲勗爲是禁枯美惡之見
不必擾於中而天地萬物之情所當忘乎外山今觀
之蓋有以驗先生學之所積矣夫固莫之有勝者矣
余以史子之言爲可徵也敘而記之并繫以詩松江

府儒學教授額
川周建鼎撰

訓導署 雍正四年析置金山縣移訓導領其事署
遂圯今其地半歸羅神廟

師生員額 元史百官志散府置儒學教授一人初
由州府選聘以請於朝其後太學立三舍法試可乃
授閒命近臣薦舉充之生徒來學不限多寡明制教
授一員訓導二員學生始有定額 本朝教授訓導
各一員後裁訓導缺其弟子員數順治四年未有撥
額其後定制廩膳生四十名增廣生如之附生武生
無額歲科試文童二十五名武童如之歲貢生每年

貢一人拔貢生十二年一舉選二名

學田 宋嘉泰三年知嘉興府鍾必萬復學田之侵於民者千八百畝有奇知縣事錢闇因以田修學端平三年知縣事楊瑾勒贍學田於石凡一萬四千四百畝有奇元至正十三年達魯花赤哈散沙置學田歲三百石十九年邑人姚玉用以私田歲租一千五十有二石以益學廩明嘉靖十六年知府黃潤置學田二百四十畝以贍學明代府學有田自此始四十五年刑部侍郎徐陟捐田三百五十畝萬歷三十六年郡人知府徐琳捐田一百七十五畝有奇草蕩七

畝承蔭司丞徐肇惠捐田三百有奇三十八年巡按御史楊廷筠以贖緩置田六十七畝有奇四十年巡撫應天都御史徐民式置田六十九畝有奇三十四年南京兵部主事吳炯捐田八百畝於學歲給諸生應試四十七年教授王繼美清理學田案松屬學田在學徵租完賦後因佃抗役侵教官經理不敷完辦條漕學院租銀於康熙六年間詳請歸縣徵完辦賦乾隆五年六月各憲清查在學田畝細數教授汪衡覆詳細查府志及學中現存碑記府學自宋嘉泰三年知嘉興府鍾必萬復學田之侵於民者一千八百畝有奇至端平三年知縣楊瑾勸學田於石凡一萬四千四百畝有奇元至正十三年達魯花赤哈散沙置學田三百石至正十九年邑人姚玉用獻私田歲租一千五百有二石合宋元勗捐田共一萬六千二百二畝有奇載之志乘然宋元所置之學田至明時已不在學現

今志載明嘉靖十六年學田碑記內云松為學雖舊而故無田晉江黃侯來蒞始加意學校而獨以無田為疾會民有墾田避稅者侯廉得之悉界學凡二百四十畝有奇於是松之學有田自黃侯始之語黃侯者嘉靖時郡守也如使宋元之田向在學何以日故無田何以日有田自黃侯始可知宋元之一萬六千二百二畝兵火鼎革明時已不在學矣自明嘉靖十六年郡守黃潤置學田二百四十畝嘉靖四十五年刑部侍郎徐琳捐田一百七十五畝有奇草蕩七畝承廬知府徐琳捐田一百七十五畝有奇萬歷四十年巡撫應司丞徐華惠捐田三百畝有奇萬歷四十年巡撫應天都御史徐民式置田六百七十畝有奇萬歷三十四年南京兵部主事吳炯捐田八百畝歲給諸生應試共計田二千零八畝有奇載之志乘明教授王繼美清理學田碑記云田畝歲入為教役所窟穴王公請於當事躬行阡陌獎實盡露計公所清田台撫臺徐公所置少司寇徐公陟太守徐公琳尚寶徐公肇惠所樂助田總計九百畝前任按臺楊公廷筠置學田六十七畝太僕吳公割田二百五十畝合共存田一千二百十七畝是府學學田宋元明三朝志載云則

有一萬八千二百十畝有奇其實一廢於兵火鼎革
再廢於髡役侵占至萬歷四十七年教授王繼美清
理學田之時實淨存一千二百十七畝此則府學學
田之原委實數也至於萬歷四十七年以後有無侵
占康熙六年學田歸縣之時是否一千二百十七畝
盡在華亭志書碑記無可考證詳蒙檄縣清查冊報
又乾隆五年閏六月教授汪衡請復府學原有學田
一千二百十七畝照蘇郡學田成例仍歸學原經理完
賦以維制作詳奉布政司徐批松郡學田原由各該
學自行詳請歸縣辦理今該教授又請歸學經管仰
松江府通飭各縣學會同查議妥協該府確核詳奪
繳十月松江府劉看得八邑學田現徵額數華邑實
在學田六百四十四畝四厘三毫實現在學田二百三
十五畝九分三毫又助裔自完三畝學田二百三十五畝
一分一厘二毫又助裔自完三畝學田二百三十五畝
縣實在學田六頃六十六畝四分七厘一毫九釐金山
學田二頃三十二畝五分六厘一毫又業助學田一十一畝
田一項七畝五分九厘九毫又業助學田一十一畝

一分八厘五毫通共八邑學田共三千四百三十四畝七分五厘七毫前奉飭造全書奉經造送在案迨後屢奉駁查志載不符之處職府亦經專飭清查至再緣其田從前原係在學經收茲因官役抗侵是以於康熙六年間奉憲稽查將前項實存學田飭令歸縣徵收完辦三餉今經七十餘年各縣遞年惟照學交現存田畝收租完辦造報有案從無虧缺實因事隔三朝雖志乘尚不沒其事而欲追溯源歷年既久冊籍難稽總難合符前朝之數合再據情詳核奉布政安批該屬學田與志載短少如果年久無稽應將緣由於冊內登明仍照志載原額及現存實數造報庶免院部駁詰十一月府詳上南兩學仍聽縣管不敢議請歸學奉布政司安批據詳已悉六年五月府詳看得府學原有田一千二百七畝除撥奉金兩邑學田共八百三十一畝四分七厘零歸入府學外尚計不敷田三百八十五畝五分零應於華婁二縣學田之內均勻撥給第查華邑現存學田僅止六百四十四畝有零似難再請分撥惟婁縣學田僅有一千五十餘畝較之華邑為數尚多應請於縣邑學田之內撥田三百八十五畝五分零造冊移交府學

經管如此則府學原有田畝既可足數而華婁二邑
田各相司亦不致有偏枯矣合將八邑學田清冊詳
送布政司安批據送款冊存候查核仍飭各縣查照
分撥田租細數造冊送司核造全書并台照造一冊
移學備查具報繳乾隆二十八年奉金兩學新建
文廟請歸本界學田以資歲修等費詳奉江蘇學院
李批飭府學華婁金五學學田分司蘇詳奉蘇撫
多金寡劃撥歸補造冊分撥奉布政司蘇詳奉蘇撫
憲莊批司詳奉賢小學共撥田四百一畝零華亭中
學歸田五百二畝零婁縣中學有田五百一十七畝
金山小學酌撥田四百三畝零松府大學共田七百
十七畝零二八原存婁縣田二百一畝三分八厘二
毫金山田二百六十三畝三分二厘八毫華亭學歸
界田二百五十二畝九厘九毫婁縣學歸本界田五
田五百二畝七分九厘九毫華亭學歸本界田五百
十四畝九分三厘七毫五絲華亭學歸本界田四百
厘內坐落奉界田一百七十一畝九毫華亭界田一
百四十一畝二分四厘四毫金山縣田八十七畝八
分七毫金山學直撥田四百四畝一分三厘七毫五

絲九忽內坐落金山界田三百十五畝三分一厘九毫六絲九忽妻縣田八十八畝八分一厘七毫九絲於改纂全書案內彙冊報部

府學公占基地共四十九畝六分九釐二毫俱免科糧

雲閒書院 在府學後玉帶河之北卽舊斗峯及魁星樓旁地也嘉慶七年署松江府知府合河康基田改建 文帝廟旣成旁有餘地以書院舊建城外介居塵肆規制未協且相地形龍脈縈秀定徙於此乃撤民居鳩工慮材率教授陸梓晝夜躬泣巡植不一月告成向時棄地俄頃改觀旁建名宦鄉賢祠構靜

成齋爲瞻景亭疊石穿籬林木雜蒔於是蕭屏外壯
堂宇中閱弦誦升堂閭閻秩秩不惟廣毓人才視前
此規模較宏遠焉

捐輸田畝數目 乾隆二十四年奉賢縣紳士袁修
捐奉賢縣田五畝六分六厘紳士裴鴻業捐奉賢
縣田六畝一分四厘紳士劉廷桂捐奉賢縣田三畝
乾隆三十四年勤支紳士捐銀一千五百兩七錢三
分一厘置買蔡顯入官田一百九十七畝七分七厘
七毫一絲七忽
乾隆四十年蘇松二府會詳裁汰金山衛學撥入書
院田三十一畝五分七厘九毫
乾隆三十八年婁縣詳撥吳大生控爭案內婁縣草
蕩六十九畝八分四厘四毫八絲又於乾隆五十二
年婁縣詳歸郁德榮等報陞婁縣各畝新漲草蕩九
百五十四畝五分五厘四毫三絲又於五十二年婁
縣紳士張隆孫捐婁縣版荒草蕩二十九畝九分七
厘六毫四絲

乾隆五十二年婁縣謝廷薰捐廉置買楊上境抄案
入官婁縣田三百五畝八分二厘五毫三絲
乾隆五十二年婁縣紳士陳學海捐婁縣田十畝一
分三毫紳士顧元治捐婁縣田三畝二分六厘三毫
乾隆五十二年婁縣紳士何浦捐上海縣田三十六
畝一分五厘三毫又推抵田十三畝一分
乾隆五十二年婁縣紳士王璋捐奉賢縣田三十畝
八分一厘三毫
嘉慶二年婁縣詳請動支該縣存典生息錢一千四
百六十四百文置買莊元茂宣仁名下婁縣田一百
六畝一分三厘九毫
嘉慶三年原任奉賢縣王桂懷會同署婁縣王勸詳
請動支華婁兩縣存典生息本錢并解存府庫生息
共銀七千九百九十五兩承買張禮耕等名下奉賢
縣田八百六十四畝九分七厘三毫
嘉慶四年婁縣詳紳官袁秉直捐婁縣田五畝五分
九厘二毫一絲七忽紳士宋文壽捐婁縣田三畝二
分八厘八毫

嘉慶十六年華亭縣詳據紳士沈恕梅春等呈請赴
司領回咨追鄭守原籍直省解歸書院歷年經費盈

餘銀四千五百兩又歷年解存蔡案田租銀一千九
百四十八兩九錢九分又動支經費銀一百三十三
兩四分錢五分共計動支銀六千五百八十二兩四錢
四分置買程聲振徐振宸張承恩沈玉樹等名下華
雙二縣民田共五百二十二畝八分六厘二毫四絲一
通共捐撥田一千六百二十一畝四分一厘八毫四絲
絲四忽又新置田五百十二畝八分六厘二毫四絲
兩共田二千一百三十四畝二分八厘五毫四忽
通共捐撥蕩一千五百四十四畝三分七厘五毫五絲
每年應徵租米六百四十三石一斗三升一合又新
置田租米四百四十九石八斗四合兩共租米一千
四十八石一斗一升五合
每年應徵豆租二十六石六斗八升一合又新置田
豆租八石八斗兩共租豆三十五石四斗八升一合
每年應徵折租錢一千四百四十八十二文
每年除完兩賦外按照該年摺報時價詳明羅變餘
存銀兩抵充公費
存典生息 乾隆五十三年三月發上海縣典商具
領存典生息足錢二千千文按月一分起息每年應
收息錢二百四十千千遇閏增收息錢二十千文

嘉慶九年正月發	息錢四千七百五十文	月銀五分	嘉慶九年正月發	遇閏增收	生息每年應收	足錢一千三百五十六千四百三十三文	乾隆五十四年三月發	三百九十七文	收息錢一百七十六十二文	足錢八百三十九千七百六十二文	乾隆五十四年三月發	三百三十八千六百六十二文	足錢二千八百六十二文	乾隆五十四年三月發	遇閏增收	生息每年應收	足錢二千一百二十八千五百三十三文	乾隆五十四年三月發
嘉慶九年正月發	息錢四千七百五十文	月銀五分	嘉慶九年正月發	遇閏增收	生息每年應收	足錢一千三百五十六千四百三十三文	乾隆五十四年三月發	三百九十七文	收息錢一百七十六十二文	足錢八百三十九千七百六十二文	乾隆五十四年三月發	三百三十八千六百六十二文	足錢二千八百六十二文	乾隆五十四年三月發	遇閏增收	生息每年應收	足錢二千一百二十八千五百三十三文	乾隆五十四年三月發
嘉慶九年正月發	息錢四千七百五十文	月銀五分	嘉慶九年正月發	遇閏增收	生息每年應收	足錢一千三百五十六千四百三十三文	乾隆五十四年三月發	三百九十七文	收息錢一百七十六十二文	足錢八百三十九千七百六十二文	乾隆五十四年三月發	三百三十八千六百六十二文	足錢二千八百六十二文	乾隆五十四年三月發	遇閏增收	生息每年應收	足錢二千一百二十八千五百三十三文	乾隆五十四年三月發

銀五百兩按照摺報易足錢四百七十五千文按月

一分生息每年應收息錢五十七千文遇閏增收息

錢四千七百五十文

通共發典生息本錢一萬七千四百八十八百六十六文

無閏之年應收息錢一千二百八十九百八十二文

遇閏之年增收息錢一百七十四百四十八文

捐輸銀錢數目乾隆十八年知府蔡長雲查有七

邑公捐置買夏秉衡房屋一所原擬改建雲間書院

之用緣年久傾頽詳准折變紋銀一百五十兩

乾隆二十六年知府宋楚望倡捐銀三十兩

乾隆三十二年知府鍾光豫發籌各縣勸諭華奉婁

金南五縣紳士捐輸銀一千三百六十六兩一錢八分錢

六等三十五戶共捐銀三百八十一兩四錢奉賢縣

紳士莊四得等二十二戶共捐銀二百八十八兩七

錢八分又七折錢六十兩三錢六分折足錢四十二

千二百五十二文婁縣紳士孫文元等二十九戶共

捐銀三百六十六兩金山縣紳士陳天石等一百十

二戶共捐七折錢八百九十七兩七錢九分折足錢

六百二十八千四百五十三文南匯縣紳士盛有文

等七戶共捐錢三十六兩係六八串折足錢二十四千四百八十文

乾隆三十五年華亭縣紳士郭棫濟捐足錢八千四百文

乾隆五十一年知府楊壽楠捐曹元銀三百兩又發

簿各縣勸諭紳士捐輸共銀九千一百一十一兩六

錢錢八千六百七十六千七百四十文洋錢十二元

內華亭縣紳士沈虞揚等二十三戶共捐六八串錢

二千兩折足錢一千三百六十千文奉賢縣紳士陳

廷溥等四十戶共捐銀一百三十兩又洋錢十二元

又足錢一千二百二十七千一百七十文婁縣紳士

朱履吉等一百三十四戶共捐銀一千三百兩又足

錢四千八十九千五百七十文金山縣紳士陳寶林

等一百十七戶共捐七折錢三千二百三十四兩四

錢易銀二千四百兩上海縣紳士朱朝源等七十一

戶共捐八折錢二千五百兩折足錢二千串南匯縣

紳士朱長源等九十六戶共捐銀二千二百八十一

兩六錢青浦縣鹽商吳駟典商汪義懋紳士李占三

等二十七戶共捐銀三千兩

以上共捐銀一萬六千二百七十七兩七錢八分併錢十

二元錢一萬零二千三百二十五文

嘉慶二十三年二月紳士朱書田顧鴻聲等請提前
項生息銀兩置買陳宦抄案坐落婁縣官田五百三
畝九分七釐五毫照原契價九折繳價計用庫平紋
銀六千九百六十六兩以錢易銀計錢九千零五十
五千八百文現尙未奉部覆准

景賢書院 在府署東南景賢坊內舊唐宋忠良祠
也嘉慶七年知府康基田教授陸梓卽其地改建書
院爲文童肄業之所仍以鼎峙藏主奉祀焉院後九
楹中爲陸宣公祠東爲李忠定祠明松江府知府黃

潤附西爲周文襄夏忠靖二公祠

義學 在府治古亭橋東康熙三十八年婁縣知縣李遇陞重建乾隆二年知府汪德馨始捐俸延師九年知府楊纘緒詳定每年修脯六十兩十年知府朱霖飭松江府學於生員內慎選宿儒訓課學舍舊前後三進一十三間漸圯殆盡六十年知府許兆椿華亭縣知縣王勸婁縣知縣張桂林勘估興修始復舊制

松江府志卷三十終